





H. XIII. 10.




Listen  
Now Tacin.

937.1/III


31

111











Henrici Nicolai

1. de Multiplicitate Rei facta.
2. Tr. de Contradictionis Natura et Principio.
3. Tr. de Oppositione Enunciatorum.
4. Philosophia Liberalis Tabellis representata.
5. Disputatio Maystedica.
6. Tr. de Notis naturalibus.
7. Tr. de Cognitione humana universa, duabus Dissertationibus comprehensa.



EXERCITATIO VII. Et ultima, 137  
DE ACCIDENTIS MULTI-  
PRÆSENTIA, ET HVIVS  
AFFECTIONIBUS, COGNATIS,  
AC OPPOSITIS.

Respondente

MAURITIO CRAUSIO.  
Chilonio Holsato.

THESIS XCIX.

**A**Tq; Vbi hic Scripturam determinantem habemus, *quiescere Christianū decet, non cogitatus in infinitum vagari.* §. 84. 89. 90. seq. *Præsentia hac Deo humana & homo divina est, prout suppositum Deus homo est, quod sequi solet præsentia, §. 84. Non absolutè divina, quasi spiritus infinititantum sit. Est enim Dei incarnati, & hominis Deificati. Hic institutis, promissis, & dictis scripturæ nitendum est, Cum aliàs nulli hominum quidquam hac de re unquam in mentem venire potuerit.*

100. *Majestatis divinæ, quā exsertionem, diversa ratio in ipsā Deitate esse potest, ac in assumptā à verbo humanitate. Ibi est actus purissimus, & competit per Naturam ac essentiam, eoq; non potest non ubivis, semper & incessanter exseri. Hic admittit actum primum & secundum, absolutum & restrictum, universalem & determinatum, prout vel officij ratio requisierit, vel promissa & instituta determinarint: Et competit non per Naturam, sed inhabitat per unionis dispensationem ac gratiam, & exaltationis efficaciam. In ipso Deo, existentibus creaturis præsentia evacuari non potest: Est n. infinitus ille, qui non potest non indistans creaturis esse. In Christo homine evacuari per exina-*



nitionem potuit, finitus enim ille etiam in Vnione, vermis ac opprobrium hominum, & novissimus virorum in isto statu esse debuit. Psal. 22. v. 6. Elai. 53. v. 3. V. Tract. d. Eff. alic. §. 36. seq. f. 2. Retraxis Christus operationem divinam in humanâ Naturâ per exinanitionem, & continuavit, quæ in ipsâ verbi Naturâ ac essentiâ perpetuè & incessanter cum Patre & Sp. s. exserta fuit, ut Theodoretus, Chemnitius, aliq; loquuntur. V. Saxonicos in Apolog. p. 276. seq.

2. Nec duo Omnipræsentes hinc sequuntur. Præsencia enim Christi hominis præsencia Mediatoria est, institutis suis & promissis determinata, & eò à nobis, praeunte Scripturâ, determinanda, non ultrâ extendenda. Quomodo a, hic Scriptura determinet, §. 90. visum. Omnipræsentiæ voce non utitur: sed aliis phrasibus rem describit, in quibus sistere & quiescere nostrum est, cum extra revelationem ne quid de his mysteriis naturalis homo percepisset. Cumque præsencia primò suppositi sit, §. 85. Et hoc in Christo unicum: Etiam ut sic propriè unus omnipræsens est. Sic non duo omnipotentes, omniscientes, etsi Christus homo in communicationem horum pervenerit. Suppositum enim omnipotens & omniscium unicum est, ex DEo & homine compositum, Christus. Caro non peculiare suppositum in Christo, sed suppositi & personæ compositæ pars personalis est. Non ergo Nova ejus præsencia, sed suppositi: Etsi novus modus ejus in Carne ob distinctiorem doctrinam dici possit. V. t. 99. Conf. d. eff. alicub. f. 2. t. 36. 3. Nec duo infinita hinc introducuntur. Nam nec ipsa Omnipræsencia divina præcisè est infinita, cum omnia creata, ad quæ illa dicitur, & eorum respectu definitur, adhuc finita sint. V. Tr. d. eff. alic. f. 2. §. 21. Quod infinitum est, non Omnipræsens solum, sed & ubiq; est. Inter quæ duo magna differentia, Vt c. l. §. 20. 21. 22. deductum. Ubiquitas autem divina, creatura est incom-

munis-



*municabilis, quia infinitati juncta. V. c. l. §. 39. & hoc Tractatu, §. 77.*

101. 10. Si corpus Christi veritate substantiæ reverâ in cœnâ est, & multis locis, ubi ea administratur, ac cum pane uno actu ore comeditur, sanguis simul bibitur, gravia, absurda & incommoda sequuntur, quæ Christum parùm decebunt, & Christianâ fide prorsus indigna erunt. Deglutitur simul cum pane Corpus Christi, in ventrem conjicietur, dentibus atteretur, lingua commolietur, in corpore concoquetur, per secessum ejicietur, cadente pane in terram & ipsum decidet, & quæ similia sunt, quæ cogitare horrendum est. Et corpus Christi virili staturâ prædictum corpus est: Quomodo parvulo panis frusto substantialiter unitum, ori comedendum exhiberi credi potest, cum quantitatē ejus hoc verissimè evertat, & consequenter veritatem tollat? R. I. Nihil horum sequitur, prout nec in alio corpore in multis locis simul à Deo statuto quidquam eorum sequitur, quod humanam infirmitatem redolet, & naturales in spatijs ubicationes sequi solet, ut mori, agrotare, famere, frigefieri, calefieri, vulnerari, verberari, occidi, morbidum esse, languere, ebrium esse, ut §. 60. 61. visum. Et talia sunt omnia ista enumerata, deglutiri, alterari, concoqui, secessu ejici, in terram projici, quæ naturales cibos naturaliter manducandos, & Physicas eorum comestiones comitari solent, ac de Corpore Christi nec cogitanda, nec asserenda.

2. Enumerata illa manducationem oralem consequuntur, sed vulgatam, naturalem, & usitatam, ubi aliquid tanquam cibus vulgatus & naturalis, immediatè in Substantiâ sui secundum se absolutè spectatâ, tanquam naturali nutritioni interveniens, in alimoniam naturalem & corporalem, naturali & crasso modo, comeditur. Talis autem manducatio Corporis Christi in Cænâ non est, sed supernaturalis, Sacramentalis,



non vulgata, nec immediata Corporis ipsius in se & substantiâ suâ absolute, verum mediatè per panem, in eo, & cum eo. Vnde non omnia, quæ panem, eiusq; comestione in Cenâ sequuntur, statim de Corpore Christi ejusvè comestione sunt asserenda: Nec ut cibus naturalis comeditur, sed ut Spirituâlis & Sacramentalis: Nec ut nutritioni naturali, sed ut Sacramentali refectiõni inserviens: Nec in alimoniam naturalem, sed Spiritualem: non ut mutetur in nos, quomodo cibi naturales in sanguinem nostrum mutantur: Sed ut in sese commutet nos. Non alteratur à nobis & in nobis: Sed in se nos Spirituâliter alterat.

102. Ore quidem cum pane & mediante eo sumitur: Sed non ut cibus ventris & Corporis, naturali refectiõni aptus & destinatus: Sed animi & mentis, hominem totum, animâ & Corpore constantem, Spirituâliter reficere debens: Nec naturali modo, sed Spirituâli, mystico, & Sacramentali. V. Tract. d. Panis l. 2. §. 15. Ac Oralis manducatio duplici sensu dici potest. Vel ratione organi & instrumenti, quo fit: Vel ratione modi, quo fit, & finis, cujus gratiâ fit. Primo modo oralis est manducatio Corporis Christi in Cenâ, non secundo. In mystico etiam organo Corporis aliquid fieri potest, quod ratione modi & finis longè ultra Naturam sit. Sic naturali Corpore & utero Maria Christum genuit; non tamen modo naturali & sine, sed Spirituâli. Naturalis Virgo Maria Christum genuit: non tamen per modum naturalem, sed supernaturalem. Naturale Corpus nostrum resurget, quod hic gestavimus, modo autem longè supernaturali, & in vitam spiritualem, non naturalem. Et abstrahendo Oralem manducationem à Physicâ & hyperphysicâ, eâ, quæ per Naturam, & per Supernaturalem gratiâ revelationem, in genere potest perceptio cibi, ore Corporis, ut organo expedita dici: Dividitq; in naturalem, quæ cibi naturalis naturali modo, in alimoniam naturalem fit: & Sacramentalem, quæ Sacramentalis, modo Sacramentali



## Exercitatio Septima.

141

*tali, in alimoniam Spiritualem & Sacramentalem. Talis est Corpus Christi: in pane benedicto. 3. Nec in Sacris unquam absolute dicitur, Panis est Corpus Christi, Non n. immediatè ipsa Substantia Corporis Christi est, sed communicatio Corporis Christi, 1. Cor. 10. v. 16. h. e. id, quo in usu Sacramentali verusimè Corpus Christi manducandum vescantibus exhibetur, poculum communicatio sanguinis Christi, h. e. id, quo in eodem usu sanguis ille N. T. Christi, bibentibus verusimè communicatur. V. c. l. §. 35. Ut non statim à panis attributis ad Corporis Christi attributa aut denominata descendere liceat.*

103. 4. An uno actu comedendi cum pane comedatur Corpus Christi, an duplici, an uno quidem, sub duplici tamen ratione & modo, mediata & immediata, Naturali & Supernaturali ac Sacramentali, *trica, subtilitates, & implicationes Scholasticæ sunt, sapè ex curiositate profecta, sapè ob meliorem mysterij de Cænâ explicationem & defensionem adhibita. In quibus, etiamsi omnia minutatim & ad unguem secare ac constituere in hâc caligine nequeamus, Veritati mysterij & præsentia Corporis in Cænâ, per id nihil adimeretur. Tutissima fides, simplicissima, & à tricu remotissima, qualis in Apostolis Christo in primâ Cænâ assidentibus fuit, quibus talium plicationum nulla fortè in mentem unquam venit, Nec quisquam sensum super illis à Magistro requisivit, Ut pluribus alibi docebo. In mysterijs speciales rationes tutius ignorantur, quàm disceptantur. §. 97. Conf. §. 4. 5. 5. Cadente pane in terram, non dicitur Corpus Christi decidere, quia cum panis decedit, extra usum suum Sacramentalem est, in quo communicatio Corporis Christi amplius non est. Ad usum enim Sacramentalem hac adstringitur, Panis, quem frangimus, comedimus, & c. 1. Cor. 10. v. 16. 17. 21. c. 11. v. 28. seq. Et licet extra usum Corpus Christi junctum haberet; non tamen hoc in terram decidere diceretur, non enim loca-*



*li motu imperfectionem importante moveretur, quomodo panis movetur. Sic cadente homine Corpus cadit, anima cadere non dicitur, quia imperfectionis talis localis incapax ea. Nec quæ unita sunt, eadem semper attributa ac denominationes sortiri necessum est. Conf. t. 94. Vt alibi docetur.*

104. 6. Corpus Christi virili staturâ præditum est & manet, eoque partes extra partes entitative in mole suâ distinctas semper resinet. Sed à quantitate ejusque essentiâ, ad actualem commensurationem ad aliud, vel spatium & locum, non Val. Consequentia. Hanc n. Deus tollere, aut immutare potest. Vide tra. d. ess. alicub. f. 3. §. 27. 28. Et f. 4. §. 27. 28. seq. Et sic nec Corpus Christi ad panem talem actualem commensurationem requirit. Sic integer mons est in parvo oculo receptus totus, §. 36. Et in Mathematicis omnes linea quantitas in unum punctum coeunt & recipiuntur: In Physicis per rarefactiones & addensationes eadem substantia modò longè majora, modò minora spatia occupat, ut aqua in ollâ frigore densata, & calore rarefacta, ut exemplis ostendit Cor. à Lapide in c. 26. Matth. v. 26. Cur non simile quid, aut majus aliquod, potestas divina in mysticis expediat? Non est Corpus Christi in pane Cænæ naturaliter, locater, circumscriptè, comprehensè, commensuratè, extensè: sed mysticè, inusitatè, Sacramentaliter, toto genere à Naturalibus ubicationibus diversè, ut in Sacramentali medio, cum quo in vero usu, Institutione Cænæ fundato & expresso, ad Sacramentalem manducationem, & Spiritualem nutritionem ac mortis Domini annuntiationem vescentibus exhiberi debet, ut iste panis communicatio Corporis Christi esse debeat, t. 102. Quæ communicatio ultra, citra, supra, & contra locales respectus & commensurationes expediri potest, ut ex illa præsentia ista Corporis nec defendenda, nec expugnanda sit. Et expugnari non possit. Adest Corpus Christi in Cænâ ex instituto: Sed localibus modis



& requisitis non adest, *eoq̃ nec ex illis de istâ præsentiâ judicari potest.* Conf. t. 73. Mystica ex institutis & promissis pendent, & nec commensurationes curant, nec speciales rationes nimis minutim inquire ferunt: Sed in institutis hic manetur, & simplice fide, ac devoto verbis Christi assensu & obsequio tota res recipitur. V. §. 36. 86. 101. 102. Plura alibi discipanda. *Sufficiant, quæ ad distinctè completèq̃ Multipræsentiâ Corporis tradendam hætenus pertractata fuerunt.*

105. *Hætenus de Substantiæ Multipræsentiâ actum: Sequitur de accidentis. Dico IX. Ut in Substantia finitâ Multipræsentiâ DEO possibilis est: Sic & in accidente negari non debet. Est enim hoc in Substantiâ ordinariè, non extra eam, eoq̃ & in eâ ac cum eâ Ubietatem & alicubitatem suam obtinet, V. tra. d. esse alicub. f. 1. §. 24. Vnde si subiectum ejus multipræsens à DEO statutum fuerit, & accidens mediante eo tale fieri nihil absurdi est. Sic ubi Corpus in duobus locis statutum fuerit, & quantitas, qualitas, figura, actio, &c. In pluribus ubi simul statuta fuerit. Excipe tamen ea accidentia, quæ perfectioni Corporis ita statuti disconveniant, de quibus §. 40. 61. Visum: Aut ultimas ubicandi formas & rationes, hæ enim altrâ in varijs spatijs non ubicantur, ne in infinitum tandem precipitemur. Ut c. 1. f. 1. §. 13. 35. 36. Visum: Sed sunt ipsæ abstractæ & ultimæ formæ, quib. aliquid ubicatur, & alicubi esse, vel in uno vel multis, intelligitur.*

106. Ita Multipræsentiæ in finito possibilitas, & in Christo ratio ac qualitas *ceteris distinctisq̃ positionibus exhibita. Nunc affectiones quædam ejus lustrari poterunt, quib. vel in sese, vel in ordine ad certa subiecta, quibus competit, vel in ordine ad cognata sua aut opposita, quibus analogæ aut adversæ est, ulterius determinari & spectari possit. De quibus sequentia tenenda. 1. Multipræsentiâ rei finitæ cum perfectionibus in re,*  
non



non imperfectionibus, est defendenda. V. t. 40. 41. 60. 61.  
 2. Multipræsentia quibusdam subjectis est necessaria & naturalis. *Vt infinito, DEo, qui ex perfectione natura in multū ubi simul est, nec potest non ita esse, V. f. 2. d. Ess. al. t. 5. seq. Et quibusdam finitis, Vt anima rationali in varijs corporis sui partibus, & angelo corpus ad tempus assumenti & vegetanti in partib. istius Corporis. Quia indivisibilia ista, eorū in suis corporum partib. tota præsentia esse coguntur. V. t. 34. 35. Quibusdam est arbitraria & supernaturalis, potestate nempe DEI supra naturam conciliata, ut Christo homini per mirabilem unionem & exaltationem, & alijs corpori, si diversis spatijs simul à DEo illud ubicatum per mirabilem collocationem, & ut quidam vocant, adductionem non localem, fuerit. V. t. 47. 59.*

107. 3. Multipræsentia defendenda est salvâ manente, naturâ rerum & subjectorum, quorum est, non destructâ & abolitâ. *Est n. perfectio aliqua, t. 41. Perfectiones autem evehunt, non everiunt, & destruant naturas rerum.* 4. Multipræsentia divinitus rei conciliata est vera & realis, solida ac sine fallaciâ, fūco, aut inani specie, non n. DEus inanibus speciebus ludere & fallere solet, Dan. 4. v. 34. 1. Sam. 15. v. 29. Sathanica, aut per artificium conciliata, apparens, falsa, & per fictas saltem species representata, sæpè etiam insidiosa, & ad fallendum composita esse potest. Sic cum Ambrosium, Serverum, loh. Teutonicum, Paschalem Vivam, Magdalenam Cruciatam, Ant. Paduanum, velut multis spatijs Præsentes Sathanas stetit. V. f. 4. d. E. A. t. 66. Vel cum speculorum beneficio res unica decies multiplicata, sicq. multa spatia occupare representatur, Cum reverâ unica numero sit, unumq. spatium occupet. V. t. 36.

108. Eiusdem farina species apparens fuit, cum Samuellem mortuum velut vivum reduxit, cum reverâ vivus non esset, nec verus Samuel, sed inanis ejus species à Sathanâ ad rogatum  
 pytho-



pythoniſſa excitata Sauli appareret, 1. Sam. 28. v. 14. Quod & præcedens Sp. S. præmonitio de reſponſo nullo Sauli per Prophe-  
 tas dato, 1. Sam. 28. v. 6. Et vera mortis de Samuele narratio-  
 1. Sam. 25. v. 1. cap. 28. v. 3. ubi anima ejus, ut p̃j Prophe-  
 ta, in manu DEI fuit, Sap. 3. Corpus in ſepulchro quievit, nec ad lu-  
 bitum Diaboli anima in corpus reduci, & ſic Samuel reverà re-  
 præſentari potuit; Et totius negotij per ſagam geſti commemora-  
 tio, cap. 28. v. 7. 12. Et inquietationis Piorum poſt mortem, qua  
 hic de Sathanâ affirmatur, v. 35. Abſurditas, cum nec in ani-  
 mas, nec corpora piorum Sathan quicquam poſſit, Pl. 34. Sap. 3.  
 aliq̃ pluribus docent, ac ex Patribus Juſtinus, Tertullianus,  
 Auguſtinus, Baſilius, Philaſtrius, Nyſſenus, Theodoretus,  
 Cyrillus, aliq̃; & ex Papiſtis ipſum Jus Canonicum, Saris-  
 berienſis, Steuchus, Turrecremata, Ruicius, Arboreus,  
 et alij conſentunt, ut fruſtra in contrario defendendo Bellarmi-  
 nus, Delrius, Cotonus, Lyranus, Toſtatus, Carthuſianus,  
 Cajetanus, aliiq̃ue laborent. Quod contrarium Cyrillus Delira-  
 mentum & ſtuporem immanem, Philaſtrius hæreſin, Theodo-  
 retus & Procopius impium, Auguſtinus indignum facinus op-  
 pellant.

109. 5. Multipræſentia vel conſiſtit cum Omnipræſentiâ,  
 Vt in Chriſto, vel cum Ubiquitate in ſpatijs infinitis, ut in Deo, vel  
 in ſpatijs pluribus, quàm uno tantum, ſiſtit, Vt ſi DEUS corpus ali-  
 quod in bene locis ſimul locaret. V. t. 39. 40. 6. Cognata Multi-  
 præſentia apparentes iſta repræſentationes rerum in multis ſpatijs  
 eſſe poſſunt, quas Magicâ aut artificiali vi quandoq̃ paravit: 107.  
 dictum. Item repræſentationes multorum in viſu & auditu ſimul,  
 vel cum intellectu varia obijciuntur, ut cum duo aut tria remo-  
 ta ſimul ſibi cogitando ſiſtit, ut Lipſiam, Jenam, Marpurgum,  
 t. 35. 36. Similiter, Cum quis corpore abſens, animo tamen &  
 imperio varias ſimul urbes aut provincias gubernat, Vt Hiſpa-



nus in Africâ, Europâ, & Americâ, Turcus in Asiâ & Europâ, Gallus in Galliâ & America quibusdam partibus, aut præfectus aliquis commissas sibi terras aut cohortes disponit.

110. 7. Opposita multipræsentia sunt partim positiva, Ut unipræsentia, cum uno spatio aliquid ita determinatur, ut simul in pluribus non sit. Quomodo Corpora, Angeli, bruta, homines, suis spatijs usitate continentur, ut extra ea simul non existant: Partim negativa, Cum nuspiam aliquid est aut sistitur. Quam Nullipræsentiam vel ubietatis negationem vocare liceat. Quomodo figmenta & non entia, Cum esse reale nullum habeant, etiam nullibi verè esse aut existere intelliguntur & denominantur. Et quod nuspiam est, ne est quidem, s. i. d. E. Alicubi. t. 6.

## F I N I S.

Cum pagellæ aliquot adhuc vacaverint, non inutile visum fuit, brevem Tractatus de Esse alicubi & Multipræsentia synopsis, per theses aliquot exhibere, Ut in typo velut utriusque Tractatus summa repræsentaretur, & definitiones ac divisiones potiores hic occurrentes, proponerentur. Tu, Lector, his frui: Et, si prolixiora tædio sunt, breviculus interea animum oblectato.

Epito-



## Epitome Tractatus de Esse alicubi, & Multipræsentiâ.

## 1.

**C**um omne, quod est, alicubi esse necessum sit; Et quod nusquam est, ne verè esse quidem intelligatur: *Considerandum* Philosopho inter alia est, Quid illud alicubi esse sit, qualiter se habeat, ac quot modos & varietates admittat. *Sic enim quidditates & rationes rerum assignare distinctè poterit, quas idiota ignorat, ac per id multum à literato distat.*

2. Alicubi esse vel Ubietas, est attributum entis realis actualis & positiui, internum, & unicum, quo ens in spatio & ubi existere concipitur, explicatur, & denominatur.

3. *Non consistit formaliter in denominatione merè extrinsecâ, nec operatione transeunte, nec ipso spatio, nec in accidente predicamentali, quod ubi vel ubicatio accidentalis dicitur, nec in accidente ab omni respectu absoluto: Sed in reali modo, ex respectu ad spatium, in quo Ens esse dicitur. Sumpto & representato. Realiter cum essentiâ Entis convenit: formaliter & conceptualiter ab eâ differt, sicq; diversa predicata admittit, quæ Enti ut sic, tribui non possunt. Quas porro competencias admittat, t. 39. seq. s. i. d. Ess. Alic. deductum.*

4. Estq; interminabilis & terminabilis. Interminabilis, *quæ terminos non admittit. Terminabilis, quæ admittit. Illa & Ubiquetas, hæc distinctè alicubitas interdum dicitur.*

5. Ubiquetas est essentialis, Entis Naturâ infiniti, in spatiis infinitis Ubietas, nec terminos adessendi habens, nec Naturâ sui habere valens. *Estq; solius DEI, ut entis infiniti, qui ubiq; est, quia non abest, & nusquam est, quia non inclusus est. Spatia a. infinita, etsi de facto non dentur, nec dari possint: Quasi tamen dentur, cogitantur, & sic ex eorum respectu interminabilis ubietas definitur. Diciturq; DEus in spatijs infinitis extra Mundum esse, non*



ut realibus; sed ut notionalibus. Ubiquitas enim ex se ad spatium reale & rationis indifferens est.

6. Ubiquetas DEI est DEO digna, non indigna: à parte rei ipsa infinitas & immensitas; à parte rationis eadem, ut ad spatia existens connotatur & denominatur, est. Non ipsa apud Creaturas Omnipræsenta, sed ejus materiale & quasi fundamentum, unde hac, potius ad extra creaturis, quibus præsens quid esse ducitur, velut resultet: In seipsâ formaliter nec operatio, nec operosa: In præsentiâ ejusq. specie operationi juncta: Soli DEO propria, Creatura non communicabilis: Non predicamentalis ubietyas est, sed eminens & suprapredicamentalis. Et quæ ampliùs ei competunt, de quibus fusè c. 1. s. 2. actum.

7. Alicubitas terminabilis, quæ ad spatium definitum est, vel definitiva vel circumscriptiva est. Definitiva, quæ Ens finitum Spirituale impartibiliter activè sibi definiendo spatium, in eo est citra spaciij occupationem, ut simul naturâ sui extra illud in pluribus Spatijs adæquatis esse non possit. Estq. Spiritus propria.

8. Hac vel completa esse potest, quæ Spiritus completi, subsistentiam ad alterum non ordinatam habentis, esse solet, ut angelû boni vel mali, extra Corpus, quod ad tempus assumere potest, subsistentis: Vel incompleta, quæ Spiritus ad alterius essentialem perfectionem ordinati & eò dependentis est, ut anima humana s. rationalis in Corpore existens. De hac s. 3. c. 1. plurib. actum.

9. Circumscriptiva est, quæ Ens finitum materiale participabiliter in spatio circumscriptivo occupativè per Naturam suâ esse postulat, ut & eo circumscribi Naturâ sui velit, & totum in toto, pars in parte spaciij esse postulat, nec per Naturam suâ extra illud in alio adæquato simul esse possit.

10. Facto non semper Corpora spacijs circumscribi, primum Mundi corpus, Chaos, Mundus ipse secundum se totum sumptus,



pius, supremum Mundi Corpus, siue Cælum illud, s. aqua supercæ-  
lestis, Corpus ultra mundum à DEO in vacuo statutum, in hoc mun-  
do in spatio aliquo evacuato collocatum, ac varia rationes satis  
manifestè docent, & quæ ob stare videntur, solida non sunt, ut s. 4.  
c. l. plurib. Ofsensum.

11. Esse alicubi circumscriptivè, ut circumscribi possit, ve-  
lit, postulet, essentialè Corpori est, & inseparabile; ac modum in-  
trinsecum in Corpore dicit: Actū circumscribi non essentialè,  
eoz separabile, modum in contiguitate ambientis, sine quo nulla  
actualis circumscriptio datur aut cogitatur, existendi dicit, & sic  
modum extrinsecum dicit, eoz ad essentialiam rei facere non potest.  
Abolito n. toto mundo omnibusq. spatijs realibus, Corpora alicu-  
bi circumscriptivè erunt: Realib. spatijs circumscripta non  
erunt, quæ nulla supererunt, & semper ex ambiente Corpore cir-  
cumscribente sumenda sunt.

12. Nec quod extensum in totum & molem est, actu sta-  
tim externo aliquo circumscribi necessum est. Nec alicubi esse  
cum in loco esse, facile confundendū: Nec locus spatium in genere  
dicendus, Nihil generale enim hoc est, & ubi ac ubi aliquod uni-  
versim, dicit: Sed ad circumscriptionem & terminationem am-  
bientem determinandus, nec generalia cum specialibus, Transcen-  
dentalia cum Physicalib. Essentialia cum accidentalib. confun-  
denda, si pro distinctis distincta voces suppetant. Distinguendū  
enim Magister Philosophus esse debet, non confundendū:  
Et qui bene distinguit, veritati, qui confundit, falsitati est proxi-  
mus. Nec solidè ac accuratè quidquam aliud locus, quàm termi-  
nus vel spatium ambiens & circumscribens locatum, dici potest,  
ut plurib. c. I. deductum.

13. An supra & ultra Naturam, Corpus aliquod in duob:  
spatijs adæquatis simul sisti possit, anceps & intricata est disqui-  
sitio. Et in utramq. partem argumenta non contemnenda mili-



*tant.* Non faciliè Christiano *stringenda* divina potestas est. Sed nec temerè *concedendū*, quod rerum esse & quidditatem verè *ever-  
tat.* Talia enim simul cum re non consistunt, & Naturā sui fieri nequeunt, eoq; nulli potestati agenti propriè subjecta esse possunt.

14. Ex merā Naturā pauca fortè sint, quæ ad possibile ostendendum, satis solida videri possint. Ex revelatione Scripturæ præassumptā, & Naturæ junctā, facilius ad id procedi possit, & contra Christianos mysteria fidei de Trinitate, incarnatione, Creatione, Resurrectione, &c. agnoscences, ex illis ad non impossibile DEO istud habendum, procedi debeat. Quomodo cum Reformatis inprimis res est, quorum occasione disceptatio ista mota, & disceptari adhuc Res inter literatos solet.

15. Commodè in toto hoc negotio sequente methodo procedatur. 1. Inter Ubiquitatem & Omnipræsentiā distinguatur, d. Ess. al. f. 2. t. 20. seq. De Ubiquitate nihil moveatur, ad Multi vel Omnipræsentiā cuncta dirigantur, & inprimis DEVM in duobus saltem spatijs Corpus simul citra Contradictionem sistere posse, Reformatis ostendatur. Inde n. cætera facile consequentur. D. multipr. t. 76.

16. 2. Exemplum de Christo ejusq; humanitate, carne, corpore, jam ad dextram DEI exaltato, varijs in spatijs præsente, firmiter ex solo Scriptura lumine constituatur & demonstretur, sensus dictorum solidè eruatur, ab omnib. exceptionibus & oppugnationibus plenè vindicetur, ad Naturam nihil hic excurratur, cum exemplum solā Scripturā innotescat, ex Naturā nihil ejus unquam homini in mentem venire potuerit. 3. Ab exemplo Christi, junctis etiam cæteris fidei veritatibus, quas Reformati agnoscunt, ut Trinitatis, Incarnationis, t. 14. ad possibile Multipræsentiā Corporis de DEO inferendum, immotā consequentiā procedatur, D. Multipr. t. 8. 18. Facilius enim DEO in corpo-



re erit præstare multipræsentiam, quàm divinam & infinitam subsistentiam.

17. 4. De Christi præsentis exemplo & res, & modus loquendi de re, ex Scripturâ sumatur, sensus dictorum proprius investigetur, in his sistatur, linguis hominum nihil hic fidatur, ingentem evagandi & altercandi campum eas aperire credatur, Spiritum Sanctum optimum & sentiendi, & loquendi de mysticis Magistrum esse, credatur, ac satis distinctè ad salutem ea nobis revelasse existimetur, sicq; in his quiescere tutissimum existimetur. c. 84. seq. Sic multis Controversiis, logomachijs, subtilitatibus, difficultatibus, & Vanitatibus humanis, funis præceditur, & ad Verbum DEI, tanquam unicam & perfectissimam mysteriorum fidei normam & formam, tota de Christo disputatio magno cum Christiana rei fructu redigetur. Ut plenius alibi docebitur. Conf. c. 23.

18. 5. Si ex Naturâ & ratione solâ, Multipræsentia finitè DEO possibilis, sufficienter adstrui, aut credibilis fieri non posse, videatur: Prasupposito tamen Christi exemplo, cæteriûq; fidei Veritatibus de Trinitate, &c. apud eos, qui eas fatentur & concedunt, satis credibilis Christiano fieri poterit. Eoq; contra Christianos dissentientes ex talibus fundamentis & motivis primò omnium procedatur, postea ad alia pergatur. c. 4. 18. Ita & possibilitas rei commodè suadebitur: Et contradictionem in eo non esse, facile apud intelligentes consequetur ac impetrabitur.

19. 6. Si generale illud, de Corpore multipræsentie in genere ex Naturâ satis ostendi nequeat: De Corpore Christi tamen ex Scripturâ id ostendi posse dicatur & ostendatur, Quod cum DEO unam personam faciat, & ad infinitam DEI dextram in celestibus confideat. V. c. 82. Sic tota disceptatio ad singularia argumenta de solo isto Corpore redigetur, & in hac disceptatione Theologo tutissimè sistetur. c. 83. 7. Quæ præsentia Christi ho-



minis ex Scripturis obijciuntur, non stringere solidè ostendantur, sufficienter refutentur, & rem de Christo homine in terris præsentem, solidissimè in sacris fundatam esse, ostendatur.

20. 8. Quæ multipræsentia finiti in genere ex Naturâ & Ratione obijciuntur, si ab omnibus solvi nequeant, à foro Theologico & rebus fidei aliena & disparata esse ostendantur, multa variè inter ipsos Philosophos adhuc controversa esse, moneantur, ad alios versatiores in his, remittantur, nihil interim rebus fidei per materias prorsus disparatas præjudicari posse existimetur, & exemplum Christi è Sacris statutum relinquere credatur, inque eo ex Scripturis solidè cognito, permaneatur. V. l. 73. 82.

21. 9. Principia Rationis formalia & instrumentalia, ut Grammatica, Logica, Rhetorica, in sacris locum habent, & ad interpretationem dictorum Scriptura multum conducunt, ut adjumenta & instrumenta, nec unquam Spiritum S: in sacris loquentem, ea violavisse ostendi potest, Vt dec. 1. Misc. d. 10. ostensum: Materialia & realia cautè in illis urgenda & adhibenda. Non enim omnia æquè generalia, sed quedam satis specialia sunt, & in Naturâ rei finita tantum procedunt, Vt Physica, Mathematica, Politica, Oeconomica. Generalia, Vt Metaphysica, Noologica, & Gnostologica, primò in justum & accuratissimum suum sensum revocanda, priusquam Mystici & Theologici adhibeantur. Vt alibi pluribus dicam.

22. 10. Semper in omnib. Controversiis Theologicis inter rem fidei & disceptationis Scholasticæ distinguendum. Fides Christiana in paucissimis & simplicissimis consistit, Vt alibi docebitur: Disceptata Scholastica in infinitis difficultatibus & labyrinthis consistere possunt, & ad notitiam explicandi ac defendendi fidem pertinent, non ipsam fidem, t. 4. 5. 48. Tale quid doctrina de Ubierate & Multipræsentia est.

In

## Exercitatio Septima, 153

In fide ut consentiatur, sedulo enitendum. In disceptatis Scholasticis salvâ fide & caritate dissentire licet, & dissensus non ægrè à moderatis ingenijs ferendus est. *Non omnium eadem facies: Sic nec idem sensus, intellectus, & iudicium. Ac mirabili sapientiâ DEVS utrumq; sic discrevit.*

23. II. Res fidei solis terminis & phrasibus Scripturæ est proponenda & inculcanda: *Termini & phrasæ humanæ universæ, Rationis, Philosophiæ, Patrum, Scholasticorum, Philosophorum, Ethnicorum, omnes à fide sunt refecandæ, & infinitum labyrinthum variarum evagationum & altercationum aperiunt,* t. 80. seq. Et t. 17. hui. epic: *In quib. sæpè illud cogitandum: Quos fugiam, video: quos sequar, non video. Hac ratione ad fidem quasitorum devenietur, Res ipsa ad fidem pertinens factus ex sacris constituetur, luxuriæ humana in fide freno inijcietur, Conscientiis consulatur, Necessitas punctorum fidei à maiore notitiâ in fide, vel explicandi & defendendi fidem, distinguitur, ac rei Christiana optimè prospicietur. Ut plurib. lib. d. simpl: fidei ostendam.*

### CONCLUSIO OPERIS.

**H**Æc etiam de Multipresentiâ rei finitæ DEO possibili, ad complendam de Esse alicubi doctrinam, & materias Theologicas de Christi presentiâ melius explicandas & intelligendas, hoc vice, BONO CUM DEO, disceptata sufficiant. Quæ recta, iusta, accurata sunt, DEO tribuenda, & grates agenda. Quæ prava, distorta, inaccurata, hominis infirmitati, & in homine esse, ab homine non ægrè ferendum, aut rigidè explicandum. Dissentire in difficilibus non licet solum; sed expedit. Intricata est Veritas: varijs conflictibus extundi cupit. Vix post exanclatos labores se conspiciendam exhibet. Saptius angit & eludit. Operum DEI scintillam tantum assequimur, Sirac. 42 v. 23. Maxima fu-

V — giunc



giunt intellectum, aut fallunt. *Eo moderatius error in abstru-  
sis in homine ferendus, ac benignius explicandus. Magis in literis ti-  
morem, quàm temeritatem homines decere, cogitandum est. Nec  
edicta prætoria cuiquam ingero: nec dissentire prohibeo. Tantum,  
quâ ratione quicquid dissentiat, perspiciat: ne umbras pro rebus accipiet,  
vel ad solas auctoritates, velut saxum, adhaereat. & pertinaciâ  
pro presidio se tuteatur. Si qua hic prætermissa, alibi tradenda  
superfint. His interim, Lector erudite, mecum fructu, dum melio-  
ra inciderint. Qua, si Tibi suppetunt, Nobiscum candidus imperti.*

Gloria in excelsis DEO.

# INDEX PRÆCIPUARUM RERUM, IN TRACTATU HOC OCCURRENTIVM.

	Pag	
<b>A</b> ccidens an Multipræsens fisci possit? 142.	142.	Contradictoria qualia. 14. 24. 25. 53. 54.
<b>Æ</b> ternitas quid & qualis. 19	19	<b>C</b> orpus an vi Dei in multis locis fisci possit? 1. 2. seq. Quo maximè modo? 46. seq. An contra- dictoria prædicata in multis existens admitteret? 76. seq.
<b>A</b> nima & angelus in plurib. spa- tiji simul. 39. 41. 98.	39. 41. 98.	Christi Corpus quomodo in Cœlo. 59. Multipræsens & exaltatum est. 108. 109. In Cœnâ manducandum est, non solum adest. 114. Visibile est, Etiâ non semper facto videatur. 134 In Cœnâ quæ prædicata admittat. 139. 140. 141.
<b>A</b> thanasij libri suppositij. 75.	75.	<b>C</b> reatio rerum quale quid. 15. 16.
<b>C</b> hristus in infinita subsistentiâ subsistit. 103. 104. 125. An u- biq? 104. 131. Multipræsens est. 105. 108.	103. 104. 125. 105. 108.	
<b>C</b> hristiani quid in mysticis cre- dant. 6. Quomodo in illis pro- cedant? 14.	6. 14.	
<b>C</b> ircumscriptivè alicubi esse quid. 28. Circumscriptum de facto aliquo, nullâ ratione extraad- mittit. 52. seq. 64. 69.	28. 52. seq. 64. 69.	

# INDEX

*Creatura* an ab æterno fieri potuerit. 102. 103.

*Deus* quid possit. 23. Quid de facto in Corpore aliquo præstiterit. 20. An Naturæ leges refingat. 87.

*Difficultates* à fide refecandæ. 7. 8. 58.

*Humanitas* Christi an nobis similis. 133.

*Hypotheses* Adversariorum quomodo Multipræsentiam Corporis DEO possibilem doceant. 29. 30. seq.

*Incarnatio* Christi quale mysterium, Et an possibile. 17. 18.

*Locus* quomodo generaliter interdum capiatur. 5. 48. 84. Internus & externus qualis. 27. 28. 30.

*Manducatio* Oralis in Cœnâ quid & qualis. 139. 140.

*Mediatorium*. Christi officium, finis, præsentia. 111. seq.

*Multipræsentia* unde disceptari cepta. 1. Quid illa. 4. Quid propriè de eâ quærat. 4. 5. Possibilitas DEO in Corpore, 9. 10. seq. Quæ ei obstant, omnia soluuntur. 59. 60. seq. An cum Dei attributis pugnet? 88. An res fidei suspectas faciat? 93. An humanitatem Christi infinitam faciat. 13. Ejus affectiones. 144. Cognata &

*Opposita*, 145. 146. Methodus procedendi in probandâ illâ? 150.

*Naturale* & præternaturale quid. 92. 93.

*Occupativè* alicubi esse quid. 42. 71.

*Omnipræsens* an Corpus reddi possit? 98. 99. An duo Omnipræsentes per Christi carnem invehantur. 138.

*Patres* quomodo Multipræsentiam doceant. 36. 37. Quomodo Ubiquitatem detestentur. 95.

*Perfectiones* non admittunt imperfectiones. 50. 51. 77. 78.

*Præsentia* simplex & localis quid, 48. 49. Maximè est suppositorum. 112. seq. Christi qualis. 94. 106. 120. 132. Prorsus singularis est, & tantum ex Scripturâ determinanda. 110. seq. Est quâ rem Omnipræsencia. 136. Loquendi modus de eâ. 120. seq. 131. 135.

*Quantum* an necessariò in loco. 85.

*Rationis* principia quomodo in Theologicis locum habeant. 152.

*Samuel* an verè Sauli repræsentatus. 144. 145.

*Scholastici* quomodo Multipræsentiam Corporis doceant. 37. 38. Quomodo Ubiquitatem detestentur. 96. *Sessio*



## I N D E X


- |  |  |
|--|--|
| <p><i>Sessio</i> Christi ad dextram Dei qualis. 18.</p> <p><i>Similia</i> pro Multipræsentia adducuntur. 39. 40. seq.</p> <p><i>Sonus</i> in multis ubi simul esse potest. 43. 44.</p> <p><i>Tempore</i> diverso idem. Numero redire, quale quid sit. 19.</p> <p><i>Totum</i> an omnes partes adesse requirat. 129. seq.</p> | <p><i>Trinitas</i> personarum in divinis quale quid. 7. 11.</p> <p><i>Ubiquitas</i> quid. 60. 61. An Creaturæ communicabilis. 100. 101.</p> <p><i>Unitas</i>, finitas, &amp; singularitas Corporis, an per Multipræsentiam tollatur? 64. 65. seq. 70. 81.</p> <p><i>Unio Naturarum</i> in Christo, quam præsentiam importet. 127. seq.</p> |
|--|--|

## F I N I S.

### Errata potiora sic corrigantur.

Pag. 2. Lineâ 5. & 6. pro Contractionis, lege, Contradictionis. P. 3. l. 28. pro materiâ, materiam. P. 5. l. 10. Soleat. P. 7. l. 20. Difficultates. P. 27. l. 1. Aliquid. P. 29. l. 5. Corporis. P. 38. l. 5. Recentioribus. P. 86. l. 1. Localis. P. 89. l. 10. Immutabilitas. P. 107. l. 10. Prærogativis. l. 18. Prærogativa. P. 129. l. 28. Enumerata. Coëtera *Lector benevolus* ipse animaduertet & corriget.

GLORIA IN EXCELSIS DEO.



gmo


emis.  
anfe.


, vel  
non  
nsub.  
pro.  
qvar.

✠


Yus.













Biblioteka Jagiellońska



stdr0019291



